

EA Europako Herrien Alderdi Demokrata berrian sartu da

BILBO


Astelehenean eta asteartean Bruselan izandako batzar orokorraren ondoren, Europako Herrien Alderdi Demokrata (EHAD) sortu da. Europako Aliantza Librearen bilakaeratik datorren partidu honetan Katalunia, Sardinia, Eskozia, Korsika, Flandria, Britainia eta Euskal Herriko alderdiak dira partaide, hemengo kasuan Eusko Alkartasuna. Jaak Vandemele-broucke europarlamentari flandriarra da alderdi berriko lehendakaria.

Begoña Lasagabasterrek azaldu zuen erakunde politiko berriak giza eskubideen eta herrien eskubideen alde lan egiteko konpromezua hartu duela, eta bereziki autodeterminazio eskubidearen alde. «EHADek herri libre eta solidarioetan oinarrituriko europar batasuna» aurrikusten duela nabarmendu zuen Eusko Alkartasunako nazioarteko harremanetarako arduradunak.

Bestalde, alderdi sortu berria ingurugiroa defenditzen eta gizarte zuzen eta kohesionatua lortzen ahalginduko da, bai eta herri-tar guztien artean aukera berdintasuna bultzatzen ere. Lehen bileran taldekide bakoitzaren herriaren egoera politikoa aztertu zuten.

Allan Mac Cartney, Eskoziako SNP alderdiko europarlamentaria, Europako egituratzeko berriaren alde agertu zen.

EHADeko partaide dira Scottish National Party, Esquerra Republicana de Catalunya, Flandriako Volksunie, Kortsikako Herri Batasuna, Sardinia Partidua, Eusko Alkartasuna eta Union Democratique Bretagne.



Henri Emmanuëllik (argazkian, 1992an) ukatu egin ditu Destraderen akusazio guztiak.

AFP

Destraderen gutuna Erregiotik kanpo zabaldute, fiskalak salatu duenez

Salaketak «mitomanoaren gezurkeriatzat» jo dituzte sozialistek

Jean Pierre Destradek Lecue epaileari egin dizkion adierazpenak frantziar guztien ahotan dira. Berria zabaldute bileran dabilzan indar handirik gabe, Alderdi Sozialistako goi karguek goraki ukatu dituzte salaketa guztiak.

LUTXI FOURCADE / BAIONA

Jean Pierre Destrade Hiriburu kontseilari nagusiak egin dituen deklarazioek Alderdi Sozialistaren legez kanpoko finantzaketari buruz erreakzio franko piztu dituzte politika zein judizial munduan. Bi motatako arazoak pausatu dituzte oharrek, batetik, ez dute jakinarazi nork zabaldute berria, eta bestalde, haren adierazpenak fermuki ukatu dituzte sozialistek.

Destraderen adierazpenen berri izan bezain laster, gáldera franko pausatu ziren jakiteko nork eman zion gutuna prentsari eta nork zituen interesak bere erranak plazaratzeko. Destradek epaileari egindako adierazpenak Parisen zabaldute lehendabizi

astearte goizean 'Le Monde' eta Europe 1 irratiaren eskutik. Laster, auzitegiko arduradunak eta Destraderen inguruko lagunek gaitzetsi egin zuten adierazpenak jakinaraztea, kaltegarria izanzen baitaio etorkizunean beraien ustez. «Berria ez du ez auzitegiak ezta erregio inork ere hedatu», esan zuen berehala Francis Alary fiskalak bere burua zurrizteko.

Antzeko adierazpenak egin zituen Thierry Sagardoitok, Destraderen abokatuak, berria zabaltzea «kaltegarria izanzen baita beretzat» azpimarratu zuenez. Alabaina, goizegi zela gutunaren ondorio guztiak aztertze gehitu zuen. Abokatuak azpimarratu zuenez, Destradek isiltasunaren hautu argia egin zuen instrukzioaren sekretua errespetatzeko eta «kanpoko lagunek baizik ez zuten elementu horiek zabaltzeko interesik».

AKUSAZIOAREN UKATZE ZABALA

Hainbat politikariren artean ere haserre gorria da nagusi eta Destraderen adierazpenak fermuki ukatu zituzten MRG Ezkerreko

Erradikalen Mugimenduko ordezkariak eta baita Alderdi Sozialistakoek ere. Hala nola, Henri Emmanuëllik adierazpen guztiak fermuki ukatu zituen irrati batean azalduz «denek azter ditzaketela alderdi sozialistaren kontuak, bere diru iturriak eta bere gastuak».

Henri Labarrere, Paueko diputatu eta auzapez sozialistak ere goraki salatu zituen Destraderen adierazpenak. «Nola sinetsi ETaren mehatxuak salatu dituen gizona, jakinez dena asmatu zuela. Hori kontuan hartuz, nola ez pentsa gezurretan jarraitzen duela, Emmanuëlli eta alderdiaren aurkako salaketekin», esan zuen Labarrerek. Bere ustez, Destradek aterabidea bilatu du bere burua zurrizteko diru arazoak direla-eta, elementu sinesgarriak erabiliz enpresekiko elkartzeak maiz egiten baitira. «Bere adierazpenak ulertzeko kontuan hartu behar da mitomanoaren erranetan nahasten direla gezurrak eta egiak». Labarrerek dena «faltsutzat» jo zuen, gehituz «Destrade hain behera erori zela ez dituelako sekulan ezagutu bere mugak».

Anttonen kontra laidoz beteriko gutuna idatzi du Soares Ganboak

DONOSTIA

Eugenio Etxebeste 'Antton-en' izena galtzeko asmoz gutuna idatzi du Juan Manuel Soares Ganboak. Gutuna irailaren 19an, Soto del Real espetxean dago sinatuta eta 'El Diario Vasco' egunkariak argitaratu du luze eta zabala.

Soares Ganboa sei urtez izan da deportuta Santo Domingon eta duela gutxi Espainiaratu dute, Juan Mari Atutxa Barne kontseilariaren bidez egindako gestioei esker. Harrezkeroztik ETaren kontrako artikulu batzuk idatzi ditu. Atzokoan, Eugenio Etxebeste ETako interlokutore ofizialaren kontra aritzen zen laidoz beteriko gutun batean.

Soares Ganboak «superpoliziatzat» eta «paranoikotzat» jo du Antton aipatu idazkian. «Pertsonaia horrek, Anttonek, lanbidez bere pribilegioak, sasi Pol-Pot izateko bokazioa du, beti bere borondatea egin dadin, komisari politikoarena eta superpoliziararena eginez», dio Soares Ganboak pasarte batean. Aurrerago honako esaldi hau irakur daiteke: «Inork kasurik egiten ez diola erabakita, etxerako txartela irabazten ahalegintzen da Eva Forest eta Pilar Iparragirren liburuei sarrerak idazten».

ETaren barruan Anttoni ez diotela kasurik egiten dio Soares Ganboak eta gaineratu du haserre bere ingurukoek ordaintzen dutela, «bere paranoia garatuaz konturatzen zaren arte». Anttonen ordenarekin ezin zuelako erabili kexu agertu da Soares Ganboa, bai eta Belen Gonzalez Algerretik Santo Domingora eramane zutelako ere.



Urriaren 8an Murgil zaitetz Intsumisioan.

Intsumisio Eguna '95 • Urriak 8, Denok Bermeora

